

I. DISPOSICIÓN XERAIS

MINISTERIO DE AGRICULTURA, ALIMENTACIÓN E MEDIO AMBIENTE

4809 Orde AAA/765/2016, do 13 de maio, pola que se modifican os anexos IV e VII do Regulamento xeral do Rexistro de Variedades Comerciais, aprobado polo Real decreto 170/2011, do 11 de febreiro.

A Directiva de execución (UE) 2015/1168 da Comisión, do 15 de xullo de 2015, que modifica as directivas 2003/90/CE e 2003/91/CE da Comisión, polas que se establecen disposicións de aplicación para os fins do artigo 7 da Directiva 2002/53/CE do Consello e do artigo 7 da Directiva 2002/55/CE do Consello, respectivamente, no que concirne aos caracteres que os exames deben analizar como mínimo e ás condicións mínimas para examinar determinadas variedades de especies de plantas agrícolas e hortícolas, adapta esas normas ás novas directrices e actualizacións que xa existían da Oficina Comunitaria de Variedades Vexetais (OCVV) e da Unión Internacional para a Protección das Variedades Vexetais (UPOV).

Mediante esta orde procédese á incorporación da Directiva de execución (UE) 2015/1168 da Comisión, do 15 de xullo de 2015, e modifícanse os números 6 e 5 dos anexos IV e VII, respectivamente, do Regulamento xeral do Rexistro de Variedades Comerciais, aprobado polo Real decreto 170/2011, do 11 de febreiro, unicamente naquelas especies que son obxecto de modificación pola directiva.

Non ten sentido incluír na presente orde as especies sobre as cales non houbo solicitude nin inscrición no Rexistro de Variedades Comerciais, o que non obsta para que no futuro se deban ter en conta no caso de que se efectúe unha solicitude de inscrición.

Tampouco se necesita incluílas, por se se comercializan en España, variedades dalgún país da Unión Europea, á vista do artigo 33.2 da Lei 30/2006, do 26 de xullo, de sementes e plantas de viveiro e de recursos fitoxenéticos. Este precepto establece que as sementes e plantas de viveiro que procedan de Estados membros da Unión Europea e pertencen a especies e categorías reguladas polas directivas comunitarias poderán ser comercializadas libremente, sempre que cumpran todos os requisitos exixidos nelas.

A modificación das especies nos anexos IV e VII realízase deixando inalteradas as demais especies actualmente existentes no Regulamento do Rexistro de Variedades Comerciais.

O artigo 33.2 do citado regulamento establece que, no que respecta á distinción, estabilidade e homoxeneidade, a realización dos exames oficiais para a admisión de variedades cumprarán as condicións establecidas nos protocolos para os exames de distinción, homoxeneidade e estabilidade, ditados polo Consello de Administración da Oficina Comunitaria de Variedades Vexetais (OCVV), e empregarán todos os caracteres varietais que se establecen nos citados protocolos. Pola súa banda, o artigo 33.3 establece que, se a citada oficina non estableceu un protocolo para a realización do ensaio de identificación dunha especie concreta, se cumprarán as directrices de exame en vigor da Unión Internacional para a Protección das Obtencións Vexetais (UPOV) e empregaranse todos os caracteres varietais sinalados cun asterisco que se establecen nas citadas directrices.

Esta orde dítase con base na habilitación normativa contida na disposición derradeira cuarta do Real decreto 170/2011, do 11 de febreiro, que faculta o titular deste departamento para modificar os seus anexos.

Na elaboración da presente orde foron consultadas as comunidades autónomas e as entidades representativas dos sectores afectados.

Na súa virtude, de acordo co Consello de Estado, dispoño:

Artigo único. *Modificación dos anexos IV e VII do Regulamento xeral do Rexistro de Variedades Comerciais, aprobado polo Real decreto 170/2011, do 11 de febreiro.*

Os anexos IV e VII do Regulamento xeral do Rexistro de Variedades Comerciais, aprobado polo Real decreto 170/2011, do 11 de febreiro, quedan modificados como segue:

Un. No número 6 do anexo IV modifícase o seu primeiro parágrafo, así como os datos correspondentes ás súas especies que se sinalan a seguir, co seguinte texto:

«6. Protocolos para os exames de distinción, homoxeneidade e estabilidade.

Aquelas variedades das especies que se citan a seguir que, con anterioridade ao 1 de xullo de 2016, iniciasen os exames oficiais para a súa admisión no Rexistro de Variedades Comerciais, poderán ser aceptadas se cumpren as disposicións establecidas nestes protocolos de exame ou, de ser o caso, nos protocolos de exame que se encontraban en vigor ao se iniciar o exame técnico.

Especies que cumpren cos protocolos de exame da OCVV (1):

Nome científico	Denominación común	Protocolo
<i>Pisum sativum</i> L.	Chícharo de campo	TP 7/2 rev. do 11.3.2015.

(1) O texto destes protocolos pode consultarse na web da OCVV (www.cpvo.europa.eu).

Especies que cumpren coas directrices de exame da UPOV (2):

Nome científico	Denominación común	Protocolo
<i>Poa pratensis</i> L.	Poa pratense.	TG/33/7 do 9.4.2014.

(2) O texto destes protocolos pode consultarse na web da UPOV (www.upov.int).

Dous. No número 5 do anexo VII modifícase o seu primeiro parágrafo, así como os datos correspondentes ás especies que se sinalan a seguir, co seguinte texto:

«5. Protocolos para os exames de distinción, homoxeneidade e estabilidade.

Aquelas variedades das especies que se citan a seguir que, con anterioridade ao 1 de xullo de 2016, iniciasen os exames oficiais para a súa admisión no Rexistro de Variedades Comerciais, poderán ser aceptadas se cumpren as disposicións establecidas nestes protocolos de exame ou, de ser o caso, nos protocolos de exame que se encontraban en vigor ao iniciarse o exame técnico.

Especies que cumpren cos protocolos de exame da OCVV (1):

Nome científico	Denominación común	Protocolo
<i>Beta vulgaris</i> L.	Acelga.	TP 106/1 do 11.3.2015.
<i>Cucurbita máxima</i> Duchesne.	Cabaza.	TP 155/1 do 11.3.2015.
<i>Alium schoenoprasum</i> L.	Ceboliño.	TP 198/2 do 11.3.2015.
<i>Brassica napus</i> L. var. <i>napobrassica</i> (L.) Rchb.	Rutabaga.	TP 89/1 do 11.3.2015.
<i>Scorzonera hispanica</i> L.	Escorzoneira ou escorzoneira negra.	TP 116/1 do 11.3.2015.
<i>Pisum sativum</i> L. (partim).	Chícharo de gran rugoso, chícharo de gran liso redondo e chícharo cometodo.	TP 7/2 rev. do 11.3.2015.
<i>Raphanus sativus</i> L.	Ravo ou ravo común e ravo de inverno ou ravo negro.	TP 64/2 rev. do 11.3.2015.

(1) O texto destes protocolos pode consultarse na web da OCVV (www.cpvo.europa.eu).

Disposición derradeira primeira. *Incorporación de dereito da Unión Europea.*

Mediante esta orde incorpórase ao dereito español a Directiva de execución (UE) 2015/1168 da Comisión, do 15 de xullo de 2015, que modifica as directivas 2003/90/CE e 2003/91/CE, polas que se establecen disposicións de aplicación para os fins do artigo 7 da Directiva 2002/53/CE do Consello e do artigo 7 da Directiva 2002/55/CE do Consello, respectivamente, en relación cos caracteres que os exames deben analizar como mínimo e coas condicións mínimas para examinar determinadas variedades de especies de plantas agrícolas e hortícolas.

Disposición derradeira segunda. *Entrada en vigor.*

Esta orde entrará en vigor o día 1 de xullo de 2016.

Madrid, 13 de maio de 2016.—A ministra de Agricultura, Alimentación e Medio Ambiente, Isabel García Tejerina.